

**Broj: 01-1132/20**

**Datum: 06.10.2020. godine**

Na osnovu člana 100. stav (3), a u vezi sa članom 69. stav (1) tačka b) Zakona o javnim nabavkama Bosne i Hercegovine (Sl. glasnik BiH 39/14), uložene žalbe jednog od zainteresovanih ponuđača – Femila Čurta, advokata iz Sarajeva na Javni poziv za dostavljanje ponuda za nabavku advokatskih usluga zastupanja pred sudom i obavljanja drugih pravnih radnji za i u ime JP „EKO-DEP“ doo, Bijeljina po tužbi Opštine Čelić, broj 01-1072/20 od 23.09.2020. godine, broj nabavke: 28-US-20, direktor JP „EKO-DEP“ doo, Bijeljina donosi

## **ODLUKU**

### **Član 1.**

Usvaja se Žalba zainteresovanog ponuđača Femila Čurta, advokata iz Sarajeva, od 01.10.2020. godine, zaprimljena pod brojem 01-1123/20 dana 05.10.2020. godine na Javni poziv za dostavljanje ponuda za nabavku advokatskih usluga zastupanja pred sudom i obavljanja drugih pravnih radnji za i u ime JP „EKO-DEP“ doo, Bijeljina po tužbi Opštine Čelić broj 01-1072/20 od 23.09.2020. godine, broj nabavke: 28-US-20 (postupak dodjele ugovora o uslugama iz Aneksa II dio B ZJN BiH).

### **Član 2.**

Predmetni postupak javne nabavke se poništava, u skladu sa članom 100. stav (3) ZJN.

### **Član 3.**

Ugovorni organ prihvata troškove podnošenja žalbe u iznosu od 280,80 KM (sa PDV-om), koji će se isplatiti podnosiocu žalbe.

Potrebno je da podnosilac žalbe dostavi Ugovornom organu poresku fakturu na navedeni iznos, kako bi se mogla izvršiti predmetna isplata.

### **Član 4.**

Ugovorni organ u skladu sa svojim zakonskim obavezama će pismeno obavijestiti sve učesnike u postupku ove javne nabavke, a takođe će ovu Odluku objaviti i na svojoj internet stranici [www.ekodep.com](http://www.ekodep.com).

### **Član 5.**

Nalaže se upravi preduzeća da u skladu sa odredbama Zakona o javnim nabavkama realizuje ovu Odluku.

### **Član 6.**

Ova Odluka stupa na snagu danom donošenja.

## Obrazloženje:

JP „EKO-DEP“ doo, Bijeljina je dana 05.10.2020. godine zaprimio žalbu Femila Čurta, advokata iz Sarajeva dostavljenu na Javni poziv za dostavljanje ponuda za nabavku advokatskih usluga zastupanja pred sudom i obavljanja drugih pravnih radnji za i u ime JP „EKO-DEP“ doo, Bijeljina po tužbi Opštine Čelić, koji je raspisan dana 23.09.2020. godine.

Ugovorni organ je, prije razmatranja sadržaja same žalbe, razmatrao blagovremenost i dopuštenost žalbe, kao i da li je žalba izjavljena od ovlaštenog lica, na osnovu čega je utvrdio da nema formalnih pretpostavki za odbacivanje predmetne žalbe.

Ponuđač je podnio žalbu na tačku Javnog poziva: „Uslovi za kvalifikaciju“, kojima je zahtijevano sljedeće:

*„Ponuđač je dužan u svrhu dokazivanja sposobnosti obavljanja profesionalne djelatnosti dokazati da se može baviti djelatnošću koja je predmet ove javne nabavke. U svrhu dokazivanja sposobnosti obavljanja profesionalne djelatnosti, ponuđač mora da dostavi:*

- a. dokaz da je upisan u imenik advokata Advokatske komore Republike Srpske. (original ili ovjerena kopija ne starija od 3 mjeseca).“*

Podnosilac žalbe smatra da je ovako postavljen uslov za kvalifikaciju diskriminirajući iz razloga što su njime povrijeđeni opšti principi postupka javne nabavke, te članovi 44. i 46. ZJN BiH, čime je članovima Advokatske komore F BiH onemogućeno da ravnopravno učestvuju u predmetnoj javnoj nabavci.

Podnosilac žalbe traži od Ugovornog organa da se njegova žalba usvoji i navedeni Javni poziv izmjeni na način na koji neće sadržavati diskriminirajući uslov, odnosno na koji će se moći prijaviti advokati koji advokatsku djelatnost obavljaju na području BiH.

Ugovorni organ je detaljno razmotrio žalbene navode i donio odluku kao u članu 1. ove Odluke - da se predmetni postupak javne nabavke poništi, kako bi se sagledale sve činjenice i okolnosti koje bi mogle biti predmet drugih žalbenih navoda vezanih za ograničenja ili diskriminaciju potencijalnih ponuđača, a što bi moglo značajno usporiti realizaciju ove javne nabavke.

Pouka o pravnom lijeku: Protiv ove Odluke podnosilac žalbe može izjaviti žalbu Kancelariji za razmatranje žalbi, putem ovog ugovornog organa, u roku od 10 (deset) dana od dana prijema ove Odluke. Žalba se podnosi pismenim putem u minimalno tri (3) primjerka.

S poštovanjem,

Dostavljeno:

- Ponuđačima,
- A/a.



Direktor JP "EKO-DEP" doo

*Dragiša Marjanović*  
Dragiša Marjanović